

# FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 306 · 2 JUNIE 2023

Kontakbesonderhede: mediasentrum@framesby.co.za

## FRAMESBY SE RUGBY PRESTEER UITSTEKEND 9 SEUNS IN VERSKEIE O.P. RUGBYSANNE OPGENEEM

Baie geluk aan die volgende seuns:

### OP 0/18 CRAVEN WEEKSPAN

Sean Vermaak  
Hein Terblanche  
Jaco Pretorius



### OP 0/18 AKADEMIESPAN

Taine Douw  
Logan Muller

### OP 0/16 GRANT KHOMOSPAN

Ethan Terblanche  
Jaiden Brewis  
Cole Hilpert  
Damien Witbooi

## VERJAARSDAE DIE WEEK

SATERDAG · 3 JUNIE  
La Toya Monckton

SONDAG · 4 JUNIE  
Jeandre Brown  
Ewan Marais  
Kaley Schellingerhout

MAANDAG · 5 JUNIE  
Leadnri Bender  
Michiel du Toit  
Kevin Kitching  
Leigh-Yanda Muller  
Steven Scheffer

DINSDAG · 6 JUNIE  
Juffrou C. Vosloo-Potgieter  
Kayla de Coning  
Kayden Myburgh  
Jeremiah Nel  
Guerra Ntuli  
Mihane Wilken

WOENSDAG · 7 JUNIE  
Esri Le Grange  
Lleyton Minnie

DONDERDAG · 8 JUNIE  
Stefan Boshoff  
Brooklyn Elgar  
Hugo Nothnael  
Devine Roach  
Cherize Schutte  
Minke vd Watt

VRYDAG · 9 JUNIE  
Le Roux Benn  
Lleyton Benn  
Chante Kotze  
Kelly Olivier  
Marco Sprong

## GEHOOR BETOWER TYDENS MUSIEKAAND

Op Vrydag 26 Mei is 'n besonders musiekaand deur die musiekdepartement aangebied. Oud en jong is meegesleur deur pragtige melodieë en betowlerende harmonieë wat deur verskeie soliste, die Forte-orkes en Fantasia-koor uitgevoer is. Pragtige nuwe stemme is ontdek en 'n bewys dat die blokfluit beslis nie net 'n instrument vir beginners is nie. Die gehoor is ook bekroon deur die gaskunstenaar, Lara Goldenhuys, wat drie skitterende trompetsolo's gelewer het. Al die deelnemers het uitvoerings van hoogstaande gehalte gelewer en daar is weereens bewys dat Framesby hope musiektaal het. Baie geluk aan elkeen wat 'n bydrae gelewer het om hierdie aand 'n groot sukses te maak. Framesby is trots op al ons musiekleerders, die orkes en die koor.



## BELANGRIKE DATUMS VIR VOLGENDE WEEK: 5 - 11 JUNIE

MAANDAG	DINSDAG	WOENSDAG	DONDERDAG	VRYDAG	SATERDAG	SONDAG
Gr. 8 – 12 Eksamens	Dogtershokkie vs Union (t)	Bergfiets XCO # 3 (PE)				

HIERDIE WEEK SE FAKKEL-FLITSE WORD MET TROTS GEBORG DEUR:  
SUNRIDGE VILLAGE



X  
**10 JUNIE 2023**  
18:30 VIR 19:00

BESPREEK JOU PLEK  
VOOR 1 JUNIE 2023

HOERSKOOL FRAMESBY

KUIERE

UITGESTEL

KOM KUIER SAAM MET DIE SKEPPIE  
BY VREDE EN LUST WINE ESTATE!

**R400 PER PERSOON**

SLUIT IN VERWELKOMINGSDRANKIE,  
HOOF- EN NAGEREG. (KONTANTKROEG)

VIR ENIGE NAVRAE EN BESPREKINGS:  
[CGARBERS@FRAMESBY.CO.ZA](mailto:CGARBERS@FRAMESBY.CO.ZA)

X

**17 JUNIE 2023**  
18:30 VIR 19:00

BESPREEK JOU PLEK  
VOOR 10 JUNIE 2023

HOERSKOOL FRAMESBY

KUIERE

UITGESTEL

KOM KUIER SAAM MET DIE SKEPPIE  
BY AFFIES SE 1920 KLOOF

**R300 PER PERSOON**

SLUIT IN ALKOHOLIESE VERVERSINGS,  
HOOF- EN NAGEREG.

VIR ENIGE NAVRAE EN BESPREKINGS:  
[CGARBERS@FRAMESBY.CO.ZA](mailto:CGARBERS@FRAMESBY.CO.ZA)

# MUSIEKAAND:



# UIT DIE HOOF SE KANTOOR

Beste Ouers

Ek lig die volgende belangrike punte uit:

## A) WINTERSKOOL – GRAAD 12

Die bestuurspan, in samewerking met die beheerliggaam, het besluit om 'n winterskool vir ons graad 12 leerders in die kernvakke aan te bied.

Die redes is as volg:

1. Dis in die beste belang van elke matriekleerder.
2. Alle topskole in Suid-Afrika met puik uitslae bied 'n winterskool aan.
3. Dit gee leerders die geleentheid om onder gekontroleerde omstandighede met die oog op die eindeksamen voorbereiding te doen.
4. Onderrigtyd is, as gevolg van 'n besige program, nie altyd voldoende nie.
5. Voorbereiding word vir die rekordeksamen gedoen.

Die program is soos volg:

VAK	DATUM	TYD
Wiskunde	26, 27, 28 Junie 2023	08:00 - 10:00 10:30 - 12:30 13:00 - 15:00
Lewenswetenskappe	29 Junie 2023	08:00 - 10:00 10:30 - 12:30 13:00 - 15:00
Rekeningkunde	3, 4 Julie 2023	08:00 - 10:00 10:30 - 12:30 13:00 - 15:00
Fisiese Wetenskappe	5, 6 Julie 2023	08:00 - 10:00 10:30 - 12:30 13:00 - 15:00

Hierdie winterskool is verpligtend vir leerders in bogenoemde vakke. Indien u alreeds vakansiereëlings getref het, kan verskonings by die Skoolhoof by skoolhoof@framesby.co.za aangebied word. Hierdie winterskool is GRATIS, maar indien leerders nie opdaag nie, wat nie verskoning gemaak het nie, sal die kostes van u as ouer verhaal word. Leerders moet die afskeurstrokie voltooi om bywoning te verseker.

**HIERDIE IS BESLIS 'N PUIK INISIATIEF WAT DEUR LEERDERS/OUERS AANGEGRYP BEHOORT TE WORD EN IS BESLIS DEEL VAN DIE OMGEE VAN HS FRAMESBY. HIERDIE SAL BESLIS TOT 'N VERBETERING IN UITSLAE LEI.**

H0  
**B) BELEID OOR BULLEBAKKERY EN KUBERBULLEBAKKERY**  
Aangeheg ons beleid oor bullebakery en kuberbullebakery. Maak seker u en u leerder neem kennis hiervan.

## C) KWARTAALPROGRAM – 3 JUNIE 2023 TOT 30 JUNIE 2023

Aangeheg die datums vanaf 3 Junie 2023 tot 30 Junie 2023. As gevolg van datumveranderings buite ons beheer plaas ons dit graag sodat u makliker kan beplan.

## D) FAKKELFLITS

Ek moedig u aan om die Fakkelflits deeglik te bestudeer. Hier hou ons u op hoogte van alle gebeure en prestasies. Dit is op Framesby se Facebook-blad beskikbaar.

## E) DIE HANGER

Sien weekliks die Fakkelflits vir inligting.

## F) EKSAMENROOSTER

Aangeheg is die Mei/Junie-eksamenrooster vir Graad 8 tot 12.

## G) SPORTROOSTER: 5 – 15 JUNIE 2023

Bergfiets: Donderdae 16:00 – 17:30

Ander dae volgens oefeprogram wat hulle ontvang het van mev. M Basson.

Skaak: Geen oefening gedurende die eksamen, normale oefening laaste week van skool.

Muurbal: Elke Maandag en Woensdag 14:30 @ Londt Park by Terry vir die spelers wat wel kan bywoon.

Leerders self verantwoordelik vir vervoer.

Tennis: Normale oefendae en tye soos gedurende die kwartaal.



Dans:	Elke Woensdag 17:00 – 18:00 in die kultuursaal.
Landloop:	Maandae/Dinsdae/Woensdae/Donderdae/Vrydae/Saterdae Sessie 1 sessie 2 of sessie 3 soos gereel deur die afrigters.
Hokkie:	5 Junie – 16 Junie: Sessie 1 om 10:30 – 12:00 @ Astro 5 Junie – 8 Junie: Sessie 2 om 13:00 – 14:30 @ Astro 12 Junie – 15 Junie: Sessie 2 om 13:00 – 14:30 @ Astro
Spelers kan inval by die sessie en dae wat hulle pas.	

#### Rugby:

5 Junie – 15 Junie:  
1ste en 2des: Maandae, Dinsdae en Donderdae 14:15-15:30

8 & 12 Junie:

3de en 4des: 12:00 – 13:00

5 Junie – 9 Junie:

o/14 – o/16: Gimnasium: Sessies soos bespreek deur betrokke afrigter.

13 Junie:

o/16: Veldsessie 11:30 – 13:00

o/15: Veldsessie 10:15 – 11:15

o/14: Veldsessie 10:00 – 11:30

14 Junie:

o/16: Veldsessie 11:30 – 13:00

o/15: Veldsessie 10:00 – 11:00

o/14: Veldsessie 10:30 – 11:30

#### Netbal:

MAANDAG 5 JUNIE	DINDAG 6 JUNIE	WOENSDAG 7 JUNIE	DONDERDAG 8 JUNIE
12:15-13:45 o.17A, o.19A&B	12:15-13:45 o.17A, o.19A&B	10:00-11:30 o.14C-E	11:15-12:45 o.17A, o.19A&B
12:30-14:00 o.16C&o.19D	10:30-12:00 o.15CD	12:30-14:00 o.16C&o.19D	09:15-10:45 o.15CD
12:30-14:00 o.16A&B	12:00-13:30 o.14&o.15B	15:45-17:15 o.16A&B	10:00-11:30 o.14&o.15B
09:30-11:00 o.15CD	10:00-11:30 o.14C-E		10:00-11:30 o.14&o.15A
09:30-11:00 o.14&o.15B			
09:30-11:00 o.14&o.15A			
MAANDAG 12 JUNIE	DINSDAG 13 JUNIE	WOENSDAG 14 JUNIE	DONDERDAG 15 JUNIE
12:15-13:45 o.17A, o.19A&B	12:30-14:00 o.16C&o.19D	10:00-11:30 o.14C-E	12:30-14:00 o.16C&o.19D
09:30-11:00 o.15CD	11:30-13:00 o.16A&B	12:15-13:45 o.17A, o.19A&B	12:30-14:00 o.16A&B
09:30-11:00 o.14&o.15B	10:00-11:30: o.15CD		08:00-10:00 o.15CD
10:00-11:30 o.14&o.15A	10:00-11:30 o.14&0.15B		
	10:00-11:30 o.14&o.15A		
	10:00-11:30 o.14C-E		

#### H) AKADEMIE JUNIE-EKSAMEN

##### VOORBEREIDING

Leerders moet elke dag deeglik voorberei vir hul eksamenvraestelle. Dankie ouers/voogde vir u ondersteuning, motivering en aanmoediging tuis.

#### I) DIGITALE TEGNOLOGIE - GRAAD 8 EKSAMEN

Ouers en leerders moet asseblief daarop let dat die Digitale Tegnologie vraestel van Dinsdag 6 Junie 2023 uit die volgende twee komponente bestaan:

Teorievraestel: 120 minute – 80 punte

Prakties: 45 minute – 30 punte

As gevolg van die groot groep leerders word die 9 seksies in 3 groepe vir beide teorie sowel as prakties gedeel. Alle leerders het 'n brief met alle reëlings ontvang.

#### J) AFWESIGHEID VAN MEI/JUNIE EKSAMEN

Ouers, daar kan géén uitsonderings vir énige leerder rakende die eksamen gemaak word nie. Leerders skryf op die dae en datums soos op die eksamenrooster aangedui. Ons kan nie die integriteit van die eksamen in gedrang bring nie. Ek bring dit net weer onder u aandag: indien 'n leerder tydens die skryf van die eksamen afwesig is, moet 'n mediese sertifikaat/kliniekbrief ingedien word. Indien dit nie gebeur nie, ontvang 'n leerder 0 vir die betrokke vak.

Afsprake vir leerling- en/of lisensie kan nie in die eksamen plaasvind nie.

Enige afwesighede met betrekking tot die eksamen moet dadelik per e-pos aan die graadhoofde gekommunikeer



word. Ons graadhoofde se kontakbesonderhede is as volg:

Gr. 8: hstrauss.framesby@gmail.com  
Gr. 9: erwinstrauss@outlook.com  
Gr. 10: lschelbert@framesby.co.za  
Gr. 11: fvdwalt@framesby.co.za  
Gr. 12: jeanette.schoeman@yahoo.com

Ek dank u vir u volgehoue ondersteuning. Soos ek dikwels vir u sê: Die toekoms van Hoërskool Framesby is blou en goud! Kom ons werk almal saam om dit so te hou.

M H

**MARIUS GERMISHUYS**  
SKOOLHOOF



# NOG 'N NETBALSPELER IN OP-SPAN OPGENEEM

Baie geluk aan Ilze Hattingh wat ook in o.18 Oos-Kaap Provinciale span opgeneem is, wat gedurende die skoolvakansie aan die Telkom toernooi gaan deelneem.



## RYAN BEHAAL TOP 20 VAN NASIONALE DRAMA-KOMPETISIE

Ryan O'Ehley, Lara Benn, Ronaldinho McGear en Milla van der Merwe het 22-24 Mei aan die finale rondtes van die Nasionale Toneelspelkompetisie in Somerset-Wes deelgeneem. Baie geluk aan Ryan O'Ehley wat onder die top 20 van die kompetisie geplaas is!



## BUITESPORT: KARATE

Tinique Prinsloo:

Baie geluk aan Tinique wat verlede naweek 'n silwer medalje in Kumite by die 2023 Oos-Kaap Shotokan-Ryu Karate Kompetisie verower het.



# DOGTERS ONTVANG NETBAL-EMBLEEM

Die volgende dogters (van links na regs) het hulle 50 wedstryd embleem ontvang onderskeidelik: Edon Snyman (71 wedstryde), Hesle de Lange (64 wedstryde), Jana Terblanche (54 wedstryde) en Leila Nel (70 wedstryde).



## TENNISUITSLAE:

1ste meisies wen teen Brandwag 4-0

3de seuns verloor 4-0 teen Kirkwood

4de seuns verloor 3-1 teen Muir

5de seuns verloor 3-1 teen Bergsig

## MUURBALUITSLAE:

vs Collegiate

1se span verloor 9-3

2de span verloor 15-1

4de span verloor 10-9



# FRAMESBY WYS HUL STAAL TEEN HOËRSKOOL PUNT

vs Punt 27 MEI 2023  
o.14A 22-12 Wen  
o.14B 11-25 Verloor  
o.14C 12-21 Verloor  
o.14D 24-0 Wen  
o.14E teen HS Punt o.15E 18-3 Wen  
o.15A 26-16 Wen  
o.15B 24-6 Wen  
o.15C 6-17 Verloor  
o.15D 13-3 Wen  
o.16A 19-16 Wen  
o.16B 14-19 Verloor  
o.16C 18-6 Wen  
o.19A 22-16 Wen  
o.19B 27-12 Wen  
o.19C 15-13 Wen

Framesby vs Punt

Rugby:

0/14 A wen 62-0  
0/14 B wen 66-0  
0/15 A wen 26-0  
0/15 B wen 41-7  
0/16 B verloor 3-19  
4de vs Punt 3de wen 30-10  
3de vs Punt 2de wen 17-6  
2de vs Punt 1ste verloor 19-26

Hokkie:

0/16C dogters 1-2 verloor  
0/14A dogters 2-2 gelyk  
0/16B dogters 1-1 gelyk  
0/16A dogters 1-1 gelyk  
0/16A seuns 0-8 verloor  
1ste seuns 0-5 verloor  
2de dogters 0-2 verloor  
1ste dogters 3-2 wen



## CHANDRE IN OP-MUURBALSPAN

Baie geluk aan Chandré van Eck wat in die OP 0/16 muurbalspan opgeneem is. Ons is baie trots op jou!



# HOËRSKOOL FRAMESBY GIMNASIUM

## M KAPP BIOKINETICISTS



**MIZAAN KAPP**



**DEON KAPP**



**AYDEN  
LABUSCHAGNE**



**CARINA O'NEILL**

### Wat ons aanbied:

1. Gewigsverlies gefokusde klasse.
2. Pilates klasse.
3. Een-tot-een oefensesessies gefokus om fiksheid, soepelheid en funksionele bewegings te verbeter.
4. Rehabilitasie van ortopediese beserings en chroniese kondisies.
5. Voor- en na swangerskap versterking.

kontakte Mizaan Kapp  
061 488 3911  
[mizaan@kappas.co.za](mailto:mizaan@kappas.co.za)

**TYE TYDENS EKSAMEN:**

**10:00 - 10:30**

**13:00 - 13:30**

# Hoëskool Framesby Mediasentrum

Die Mediasentrum is oop tydens pouses,  
sowel as in die middae (Maandae-Donderdae) tot 15:00.

Het jy geweet:

- Jy kan in die middae jou huiswerk in die Mediasentrum kom doen.
- Ons het ouvraestelle (50c per bladsy).
- Groot verskeidenheid van die nuutste boeke
- Jy kan dvd's uitneem
- Jy kan jou take by ons print
- Games speel op die rekenaar tydens pouses en na skool (R5 pouses en R10 na skool)
- Ons het bordspeletjies
- Ons verkoop taakomslae, gekleurde karton, posters, ens

Kom maak 'n draai!



# KOM HANG UIT BY ‘DIE HANGER’



Ons is baie opgewonde om die Graad 8's  
van 2024 te ontmoet!

Die winkel staan reg om julle gereed te kry  
met julle Hoëskool Framesby loopbaan!  
Kom 'hang' by Die Hanger en kom kyk watter  
oulike skool items ons vir julle het!

Ons tye is soos volg  
Maandae - Donderdae 12:00 - 16:30  
Vrydae 08:00 - 11:00

Ouers is meer as welkom om nou al klere te  
kom bestel, aankope te doen en reëlings te  
tref om die stormloop te vermy later die jaar!

Sien julle by Die Hanger

Charnelle



## TYE TYDENS EKSAMEN:

Die Hanger sal in die eksamen tyd oop wees

Maandag tot Donderdag van 10:00 tot 16:30.

En Vrydag: 08:00 tot 11:00.

## AANDAG ALLE GR.8-OUERS:

Ons is die volgende Saterdae oop vir aankope:

- 24 JUNIE 09:00 - 12:00
- 29 JULIE 09:00 - 12:00
- 12 AUGUSTUS 09:00 - 12:00
- 2 SEPTEMBER 09:00 - 12:00
- 30 SEPTEMBER 09:00 - 12:00
- 28 OKTOBER 09:00 - 12:00
- 25 NOVEMBER 09:00 - 12:00
- 2 DESEMBER 09:00 - 12:00
- 9 DESEMBER 09:00 - 12:00
- 16 DESEMBER 09:00 - 12:00

---

**CHARNELLE 082 342 8113**

**KATRIEN 072 407 0670**


**CHARNELLE@DIEHANGER.CO.ZA**

---

# FRAMESBY OUDSKOLIERE



## ONS GESELS MET: BERNARD PIETERS



Ek het in 2005 gematrikuleer

Dit was vir my 'n voorreg om deel van Hoërskool Framesby gedurende my skoolloopbaan te wees. Ek dink die skool het my goed voorberei vir al die vaardighede en waardes wat 'n mens nodig het om suksesvol na skool te wees. Die meeste van die lesse wat ek geleer het, was nie noodwendig in die klaskamer nie, maar eerder op die sportveld saam met goeie vriende. Mense met wie ek bevoorreg is om vandag nog vriende te wees en kontak mee te hê. Nodeloos om te sê, die tye wat ek die meeste mis, is die wye verskeidenheid sportgeleenthede wat Hoërskool Framesby vir sy leerders bied. Kom, ek vertel julle van 'n paar stories wat ek altyd sal onthou:

Krieketdae saam met oom Derbyshire, wat ons heeldag "sight screen" toe gejaag het, net om ons later weer te kom soek. Dit het gesorg dat ons topfiks was. Ek ook die voorreg gehad om van die besigheidswêreld by die krieketveld te leer, waar 'n leerder rekenaartoebehore tydens wedstryde verkoop het. Die krieketbal wat eendag verdwyn het om die krieketveld. Hein van Niekerk wat die beste glipveldwerker was wat die skool nog gesien het en so is daar nog baie stories, maar glo vir my ons was 'n puik krieketspan en het gereeld spanne uitgeboul vir +/- 20 en as ek reg onthou, was ons in my matriekjaar onoorwonne.

Die eerste rugby-herinnering wat by my opkom, is van ons 0/16-rugbytoer na Paarl Gimnasium. 'n Rugbytoer het soveel meer waarde as net rugby: dit heg vriendskappe en vorm goeie herinneringe. Die toer het beslis aan die verwagtinge voldoen en ek my spanmaats kan tot vandag nog herinneringe oor die toer met mekaar deel. Ek dink die rede vir die knoppe op Paarlberg was Orlando Gerber wat eendag 'n alternatiewe roete gebruik het as die trappe daar by Paarl Gimnasium se koshuis. Dan was ek ook bevoorreg om deel te wees van die stiging van die Shanna Blues aka die 2de rugbyspan. Die naam was afkomstig van mnr L Gerber wat by die 0/19-proewe besluit het om 'n blouspan teen 'n maroenspan te laat speel. Divan van As het die

naam ter harte geneem as kaptein/voorsitter van die Shanna Blues en ons het daarmee aangegaan. As ons die veld betree het, kon jy die broederskap onder mekaar voel en min spanne het die voorreg gehad om ons te wen. Die "Badprop"- agterlynbeweging was n top agterlynbeweging, wat verseker het dat Raymond Wiggill in elke wedstryd 'n drie gedruk het. Die interskoletelling in my matriekjaar moes ook baie na aan 'n rekord gewees het, dink ek. 74 – 3! Dit was 'n voorreg om ons laaste wedstryd vir ons skool so te kon afsluit.

Al wat ek van akademiese dae kan onthou was mev Jordaan wat altyd 'n voorbeeld gemaak het van ons C-registerklas, met verskeie strategieë wat sy op haar unieke manier geïmplementeer het. Die ander herinnering was die aardbeweิง in die Afr-klas by mev Schoeman. Kan net nie lekker onthou wat hy op die rigterskaal was nie, Juffrou?

Ek het op skool die Oostelike Provinse in gholf verteenwoordig: 0/16; 0/18 en die IPT-span. Ek het op universiteit die volgende behaal: Ek was gekies vir die Boland-interhuiskrieketspan. Ek het ook my instelling by USSA-weke verteenwoordig in die volgende sportsoorte: krieket, rugby en gholf. Ek was ook bevoorreg om die kaptein van die golfspan vir my laaste twee jaar te wees.

Ek het by CPUT (Wellington) 'n B. Ed (VOO) graad studeer in handelsvakke. Daarna het ek begin werk by Hoërskool Piketberg, 'n skool in die hartjie van die Swartland in die Wes-Kaap. Ek moet erken, die plattelandse-lewe sal ek nie verruil vir die stadslewe nie en die dorp staan nie verniet bekend as: "die skuins dorp met regop mense" nie. Ons skool se leuse is: "Saam maak ons verskil", en dit is iets wat 'n mens elke dag in die gemeenskap ervaar. Ek is tans die adjunkhoof by Hoërskool Piketberg. Behalwe vir die verantwoordelikhede van Adjunkhoof, is ek ook verantwoordelik vir Rekeningkunde by die skool sowel as die afrigting van die skool se eerste rugbyspan en die gholf-span.

Ek is bevooreg om getroud te wees met 'n pragtige vrou (Karla Pieters) met die mooiste hart. Sy is afkomstig van die Oos-Kaap (Cradock) en is die een wat my as mens aanvul en altyd ondersteun. Dit is mos net in die Oos-Kaap waar mens ware diamante vind en nie net in die Groot gat van Kimberley nie! Tans is dit nog net ek en my vrou, en die enigste kind in ons huishouding is 'n klein Beagle, genaamd Jack. As die leerders my nie die dag by die skool toets nie, doen hy dit. Hy is altyd 'n handvol, maar voorsien ons van baie kosbare oomblikke, asook nuwe kledingstukke wat aangekoop moet word...

*Bernard Pieters*



# OUDSKOLIERE BERIGTE:

Indien jy iemand vir die Oudskoliere-berig wil nomineer, kontak ons gerus : [mediasentrum@framesby.co.za](mailto:mediasentrum@framesby.co.za).

Ons wil graag berigte plaas van al ons oudskoliere, maar benodig hul selffoonnommer/e-pos om kontak te maak.

Dis altyd lekker om te hoor waar ons oudskoliere hulself vandag bevind sowel as om terug te kyk na almal se Framesby herinneringe.

# OUDSKOLIERE MEMORABELIA:

Ons wil graag memorabilia vir ons oudskoliere ontwerp en laat maak. Enige voorstelle kan na [mediasentrum@framesby.co.za](mailto:mediasentrum@framesby.co.za) ge-epos word.



# FRAMESBY OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na [fos@framesby.co.za](mailto:fos@framesby.co.za) sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

## U inligting bly hoogs vertroulik.

Die rede hoekom ons u ID-nommer benodig, is om te verhoed dat ons duplike op ons sisteem stoor.

## OUDSKOLIERE SAMEKOMSTE 2023

**12 AUGUSTUS 2023 PORT-ELIZABETH, HOËRSKOOL FRAMESBY**

### Reünie-groepe:

**Hoofleiers van die volgende jare 2013, 2003, 1993, 1983 en 1973 kan mev. Snetler kontak en 'n tafel bespreek vir die oudskoliere-naweek op 12 Augustus 2023.**

**E-pos: [cgarbers@framesby.co.za](mailto:cgarbers@framesby.co.za)**

Ons nooi alle oudskoliere uit om die tydens die oudskoliere naweek lekker saam te kom kuier. Tafels kan bespreek word. Kaartjie sal toegang tot die tent en kos insluit.

Die oudskoliere sal toegang tot 'n private paviljoen ook hê.



Centre Management:  
041 360 9442



Kragga Kamma Road,  
Sunridge Park



GENERATED POWER 24/7

**MEI/JUNIE EKSAMEN 2023**  
**GR. 10-12 BEGIN 25 MEI**  
**GR. 8-9 BEGIN 30 MEI**  
**EKSAMEN EINDIG 19 JUNIE**

	Oggendsessie 08:00	Oggendsessie 09:00	Middagsessie 14:00
--	-----------------------	-----------------------	-----------------------

**WEEK 2**

Maandag 5 Junie	FW 55 min	LW 1 h	LW 2½ h	BS V1 2 h	Wisk. V2 3 h WG V2 2 h		IGO V2 2½ h	
Dinsdag 6 Junie	Dig. Teg. V2 2 h	Eng. FAL/HL 1¾ h	VBS 2 h	Landbou 3 h Mus. V1 2½ h	Rek. V1 2 h	IT V2 2 h	Mus. V2 1½ h	
Woensdag 7 Junie	LO 1½ h	SK 45 min.	LO 2 h	Afr. HT V2 2½ h	BS V1 2 h	BS V2 1½ h	Toerisme 2½ h	
Donderdag 8 Junie	Eng. FAL/HL 1½ h	Geo. 1½ h	Afr. HT V1 2 h	Rek. Drama 2 h	Eng. P1 FAL/HL 2 h			
Vrydag 9 Junie	Afr. 1½ h	EBW 1½ h	FW V1 2 h	Wisk V1 WG V1 1½ h	FW V1 3 h			

	Oggendsessie 08:00		Oggendsessie 09:00			Middagsessie 14:00		
Dag en datum	Gr. 8	Gr. 9	Gr. 10	Gr. 11	Gr. 12	Gr. 10	Gr. 11	Gr. 12
<b>WEEK 3</b>								
Maandag 12 Junie	LW 50 min.	FW 65 min.	FW V2 2 h	Wisk V2 WG V2 1½ h	FW V2 Drama Teo. 3 h			
Dinsdag 13 Junie	Gesk. 1½ h	Teg. 1½ h	Eng. P2 FAL 2 h HL 2½ h	BS V2 2 h	Afr. HT V2 2½ h			Toerisme 3 h
Woensdag 14 Junie	SK 45 min.	Wisk. 1½ h	Vis. Kuns 2 h	VBS 2 h	LW 2½ h LW Pr. 30 min.		IT V2 3 h	
Donderdag 15 Junie			Geo. 3 h	RTT V2 2 h	BS V2 2 h	Landbou 2½ h	Afr. HT V1 2 h	IGO V2 2½ h
<b>WEEK 4</b>								
Maandag 19 Junie					Rek V2 2 h Landb. V2 2½ h			

**NOTAS**

- Die laaste week is normale skool soos in die skoolkalender aangedui.



# STERKTE MET DIE EKSAMEN!



*Hoërskool Framesby*  
(Afrikaansmedium)  
(Beheerliggaam)

## VAKANTE POS

### WISKUNDE GRAAD 8 - 12

Hoërskool Framesby is dringend op soek na 'n onderwyser vir bogenoemde pos. Dit kan die vorm van 'n aflospos vir 5 maande aanneem of dit kan 'n permanente pos word.

**AFGETREDE PERSONE WORD AANGEMOEDIG OM AANSOEK TE DOEN.**

- Sluitingsdatum vir aansoeke: 9 Junie 2023
- Diensaanvaarding: 1 Julie 2023
- Die suksesvolle kandidaat moet
  - oor deeglike vakkennis besit
  - bereid wees om by buitemuurse aktiwiteite betrokke te raak
  - rekenaargeletterd wees
  - oor 'n volwaardige onderwyskwalifikasie beskik.
  - geregistreer wees by die Suid-Afrikaanse Raad vir Opvoeders (SARO/SACE)
- Slegs persone wat vir onderhoude genooi word, sal gekontak word.
- Beheerliggaam hou hom die reg voor om nie die pos te vul nie.
- Vergoeding inlyn met departementele skale van akademiese poste.

• Stuur 'n volledige CV, dekbrief en verwante dokumente per e-pos aan:  
Mnr. Marius Germishuys

E-pos: [skoolhoof@framesby.co.za](mailto:skoolhoof@framesby.co.za)

Tel : 041-360 1257 | Faks : 041-360 7787



# Hoërskool Framesby

Corneliaalaan  
Framesby, Port Elizabeth  
Tel: (041) 360 1257

Skoolhoof: Mn. M. Germishuys

Posbus 28065  
Sunridgepark 6008  
Faks: (041) 360 7787

E-pos: [skoolhoof@framesby.co.za](mailto:skoolhoof@framesby.co.za)  
Webwerf: [www.framesby.co.za](http://www.framesby.co.za)

## BELEID OOR BULLEBAKKERY EN KUBERBULLEBAKKERY

### 1. INLEIDING

Hierdie dokument is die beleid oor bullebakery en kuberbullebakery van Hoërskool Framesby wat deur die skoolbeheerliggaam goedgekeur is. Die beleid is opgestel ooreenkomsdig die bepalings van die Grondwet van Suid-Afrika, 1996; die SuidAfrikaanse Skolewet 84 van 1996 ('die Skolewet'); die Wet op Nasionale Onderwysbeleid 27 van 1996; toepaslike provinsiale wetgewing oor skoolonderwys; die Wet op Beskerming teen Teistering 17 van 2011; die Wysigingswet op die Strafreg (Seksuele Misdrywe en Verwante Aangeleenthede), 2007, en die Verenigde Nasies se Konvensie oor die Regte van die Kind, 1989. Alle leerders is geregtig om skool te gaan in 'n openbare skool wat 'n veilige en geborge leeromgewing daarstel. Hoërskool Framesby is van voorname om alle leerders van 'n billike leergeleentheid te voorsien. Daarvoor het die skool 'n beduidende belang daarby om 'n veilige, ordelike en beleefde skoolomgewing te skep wat onderrig en leer bevorder.

Bullebakery is nadelig vir die skoolomgewing en leerders se leer, prestasie en welstand. Dit meng in met die missie van die skool om leerders te onderrig en ontwrig skoolbedrywighede. Bullebakery raak nie net die leerders teen wie dit gerig word nie, maar ook diegene wat aan sodanige gedrag deelneem of dit aanskou. Dit moet dus die hoof gebied word om leerderveiligheid en 'n inklusiewe leeromgewing te verseker.

Hierdie beleid moet saam met die skool se Gedragskode vir Leerders gelees word, en maak ook 'n integrale deel daarvan uit.

### 2. WOORDOMSKRYWING

Afpersing is wanneer 'n persoon onregmatig en opsetlik een of ander materiële of nie-materiële voordeel van 'n ander bekom deur daardie persoon aan druk te onderwerp wat hom/haar dwing om die voordeel af te staan.

Bullebakery beteken die stelselmatige en aanhoudende oplegging van fisiese pyn of sielkundige nood aan een of meer leerders, opvoeders, nie-opvoeders of besoekers aan die skoolperseel. Dit word voorts omskryf as onwelkomme en herhaalde skriftelike, verbale of fisiese gedrag, met inbegrip van enige dreigende, beledigende of vernederende gebaar, deur 'n leerder of volwassene, wat ernstig of omvattend genoeg is om 'n intimiderende, vyandige of aanstootlike opvoedkundige omgewing te skep, ongemak of vernedering te veroorsaak, of op onredelike wyse met die leerder se skoollprestasie of - deelname in te meng, en kan onder meer insluit:

tergery;  
sosiale uitsluiting;  
dreigemente;  
intimidasie;  
bekruipery;  
fisiese geweld;  
diefstal;  
seksuele, godsdienstige of rasseteistering;  
openbare vernedering; en  
die vernietiging van eiendom;  
wegsteek van eiendom.

Crimen iniuria beteken die onregmatige, opsetlike en ernstige skending van 'n ander persoon se waardigheid of privaatheid.

Elektroniese kommunikasie beteken enige kommunikasie deur 'n elektroniese toestel, wat onder meer insluit 'n telefoon, selfoon, rekenaar of roepradio, welke kommunikasie onder meer insluit e-pos, kitsboodskappe, teksboodskappe, blogs, selfone, roepradio's, aanlynspeletjies en webtuistes. Kuberbullebakery beteken bullebakery met behulp van tegnologie of enige elektroniese kommunikasie, wat onder meer insluit die versending van tekens, seine, geskrifte, beelde, klanke, data of intelligensie van enige aard deur middel van enige elektroniese toestel, wat onder meer insluit 'n rekenaar, telefoon, selfoon, teksboodskaptoestel en persoonlike digitale assistent.

Voorbeeld van gedrag wat kuberbullebakery kan uitmaak, sluit onder meer in:  
die publikasie van lelike aanmerkings of gerugte of enige lasterlike, onakkurate, verkleinerende, gewelddadige, neerhalende, aanstootlike of seksueel gerigte materiaal oor 'n leerder op 'n webtuiste of 'n ander aanlyntoepassing;  
die publikasie van misleidende of vervalste foto's of digitale videomateriaal van 'n leerder op webtuistes, of die skep van vals webtuistes of sosiale netwerkprofiële asof dit die slagoffer s'n is;  
die nabootsing of voorstelling van 'n ander leerder deur daardie ander leerder se elektroniese toestel of rekening te gebruik om e-pos, teksboodskappe en kitsboodskappe te stuur of foonoproewe te maak;  
die versending van e-pos, teksboodskappe of kitsboodskappe of die laat van stemboodskappe wat gemeen of dreigend is, of so oorvloedig is dat dit die slagoffer se e-posrekening, kitsboodskaprekening of selfoon bombardeer; en  
die gebruik van 'n kamerafoon of digitale videokamera om beskamende of seksgebaseerde foto's van ander leerders te neem en/of te stuur.  
Seksboodskappe is kaal of halfkaal foto's of video's en/of seksueel suggestiewe boodskappe wat met behulp van selfone of kitsboodskappe na en van ander leerders gestuur word.  
Strafregtelike naamkending beteken die onregmatige en opsetlike publikasie van 'n aangeleentheid met betrekking tot iemand anders wat daarop uit is om daardie persoon se reputasie ernstige skade aan te doen.

Teistering beteken die direkte of indirekte deelname aan gedrag wat die pleger weet of behoort te weet:

skade doen, of die redelike oortuiging laat posvat dat skade gedaan kan word, aan die klaer of 'n verwante persoon, deur op onredelike wyse:

die klaer of 'n verwante persoon te agtervolg, dop te hou of by te dam, of buite of naby die gebou of plek rond te hang waar die klaer of 'n verwante persoon woon, werk, sake doen, studeer of toevallig is; verbaal, elektronies of op enige ander wyse en deur middel van enige ander middel met die klaer of 'n verwante persoon te probeer kommunikeer, ongeag of 'n gesprek gevoer word of nie; of brieve, telegramme, pakkies, fakse, e-pos of ander voorwerpe aan die klaer of 'n verwante persoon te stuur, daar af te lewer of te laat aflewer, of sodanige items daar te laat waar dit gevind sal word deur, oorhandig sal word aan of onder die aandag sal kom van die klaer of 'n verwante persoon; of op die seksuele teistering van die klaer of 'n verwante persoon neerkom.

Vergelding is 'n handeling of gebaar teen 'n persoon wat bullebakery of beweerde bullebakery aanmeld. 'Vergelding' sluit ook in die aanmelding van bullebakery wanneer dit nie te goeder trou gedoen word nie.

### **3. TOEPASSING**

- 3.1 Hierdie beleid geld vir enige leerder, opvoeder en nie-opvoeder by die skool sowel as enige besoeker of vrywilliger wat gedrag openbaar wat op bullebakery, kuberbullebakery of vergelding neerkom. Al voormalde persone is verantwoordelik om aan hierdie beleid te voldoen.
- 3.2 Hierdie beleid geld vir bullebakery wat:
- 3.2.1 plaasvind by die skool of op die skoolterrein, synde 'n skoolgebou; op die eiendom waarop 'n skoolgebou of -fasiliteit geleë is, en op/in eiendom wat 'n skool vir 'n skoolgeborgde aktiwiteit, geleenthed, program, onderrig of opleiding besit, huur of gebruik, en 'skoolterrein' sluit ook voertuie in wat vir skoolverwante vervoer gebruik word;
- 3.2.2 plaasvind terwyl FRAMESBY leerders na of van skole of skoolgeborgde geleenthede vervoer word;
- 3.2.3 plaasvind by enige FRAMESBY geleenthed, aktiwiteit, program, onderrig of opleiding;
- 3.2.4 plaasvind deur die gebruik van data, telefone, rekenaarsagteware of tegnologie wat deur 'n rekenaar, rekenaarstelsel of rekenaarnetwerk van die skool bekom word; of
- 3.2.5 elders plaasvind, maar slegs indien die bullebakery ook die regte van die leerder by die skool skend of indien die skool self op enige manier betrokke is of betrek word.

### **4. VERBODE AKTIWITEITE OF GEDRAG**

- 4.1 Die volgende gedrag is verbode:

- 4.1.1 Bullebakery  
4.1.2 Kuberbullebakery  
4.1.3 Teistering  
4.1.4 Vergelding teen enigeen wat sodanig omskrewe gedrag aanmeld  
4.1.5 Vals beskuldigings van bullebakery  
4.1.6 Skending van die skool se goeie naam

Enigeen wat enige van hierdie verbode gedrag openbaar, sal die gevolge daarvan moet dra.

- 4.2 Wat kuberbullebakery betref, kom die volgende handelinge sowel as teistering en seksboodskappe op strafregtelike oortredings neer en sal dus ook as wangedrag ingevolge die skool se gedragkode beskou word:

Crimen iniuria - Enige handeling wat die waardigheid van 'n ander persoon aantast, wat ook kan plaasvind deur aan iemand anders 'n boodskap te stuur wat hetsy 'n uitdruklike of implisiete uitnodiging tot, of voorstel van, seksuele immoraliteit of onbetaamlikheid bevat, of deur onwelvoeglike foto's te versend. Strafregtelike naamskending - Lasterlike aanmerkings teenoor derde partye in kletskamers, op sosiale netwerke, of in e-posse, teksboodskappe of kitsboodskappe is onder meer vorme van kuberbullebakery.

Afpersing - Waar 'n persoon opsetlik en onregmatig dreig om inligting oor, of kompromitterende beelde van, 'n ander persoon elektronies te versprei.

## 5. AANMELDING

- 5.1 Bullebakery, vermoedelike bullebakery of enige ander verbode handeling ingevolge paragraaf 4.1 hierbo kan persoonlik of skriftelik by skool personeel aangemeld word. Enige persoon wat bewus is van enige bullebakery, vermoedelike bullebakery of enige ander verbode handeling ingevolge paragraaf 4.1 moet sodanige voorvalle by die skoolhoof of ander personeellid wat deur die hoof aangewys word, a anmeld.
- 5.2 Indien enigeen kuberbullebakery vermoed of daarvan ingelig word, moet die volgende protokol gevolg word:

### SELFONE

Vra die leerder om die betrokke selffoon aan jou te wys.

Let deeglik op alles op die skerm wat met 'n onvanpaste teksboodskap of beeld verband hou, wat die datum, tyd en name insluit.

Transkribeer 'n stemboodskap en teken weer die datum, tye en name aan.

Gee die leerder opdrag om die boodskap/beeld te stoor.

Vergesel die leerder na die adjunkhoof: dissipline of sy/haar gedelegeerde.

### REKENAARS

Vra die leerder om die betrokke materiaal op die skerm te vertoon.

Vra die leerder om die materiaal te stoor.

Druk onmiddellik die aanstootlike materiaal uit.

Maak seker dat jy alle bladsye en inligting in die regte volgorde het, en dat niets wegelaat word nie.

Vergesel die leerder na die adjunkhoof: dissipline of sy/haar gedelegeerde, en neem die aanstootlike materiaal saam.

Gewone procedures word dan gevolg om onderhoude met leerders te voer en verklarings af te neem.

Ouers en ander volwassenes wat van voorvalle van bullebakery bewus is, word aangemoedig om hierdie gedrag by 'n personeellid aan te meld.

Alle ander lede van die skoolgemeenskap, wat leerders, ouers/voogde, vrywilligers en besoekers insluit, word aangemoedig om enige handeling wat hierdie beleid oortree, hetsy persoonlik of naamloos by die adjunkhoof: dissipline of sy/haar gedelegeerde aan te meld.

Weerwaak of vergelding teen enigeen wat 'n voorval van bullebakkerie aanmeld, is verbode. Indien daar vasgestel word dat 'n leerder iemand anders valslik van bullebakkerie beskuldig het, sal sodanige leerder die dissiplinêre gevolge moet dra.

Ingevolge artikel 54 van die Wysigingswet op die Strafreg (Seksuele Misdrywe en Verwante Aangeleenthede), 2007, moet enigeen wat van 'n seksuele oortreding teen 'n kind kennis dra sodanige inligting onmiddellik by 'n polisiebeampte aanmeld. Versuim om sodanige inligting aan te meld is 'n misdryf. Dus is enigeen wat betrokke is by seksbodskappe of seksuele teistering, of wat van sodanige handelinge bewus is, verplig om dit aan te meld.

In geval van 'n skending van enige bepaling in hierdie beleid moet die dissiplinêre prosedure, van die skool se gedragskode gevolg word.

#### 6. AKSIESTAPPE

'n ontmoeting met die leerder en die leerder se ouers;  
besinningsaktiwiteite, soos om die leerder opdrag te gee om 'n opstel oor sy/haar wangedrag te skryf;  
berading vir ouers se eie koste;  
woedebestuur vir ouers se eie koste;  
detensie of INTERNE skorsing, wat ná skool kan geskied.

#### 7. WYSIGING VAN BELEID

Die skoolbeheerliggaam kan hierdie beleid van tyd tot tyd wysig, aanvul, aanpas of verander.

ONDERTEKEN TE PORT ELIZABETH OP HIERDIE 31 DAG VAN Mei 2023.

M STRYDOM  
VOORSITTER VAN BEHEERLIGGAAM

  
\_\_\_\_\_  
HANDTEKENING

  
\_\_\_\_\_  
HANDTEKENING

# CRAZY BARGAINS TO BEAT THE CHILL!



Hey, you never know what you might find!




FLEECE BLANKETS

2-Piece; 150 x 200cm

**199 99**

per set.



FLANNEL BLANKETS  
WITH SHERPA LINING  
127 x 152cm; Assorted

**279 99**

200 x 200cm; Assorted

**429 99**

SHERPA BLANKET  
200 x 200cm; Assorted

**299 99**



Get all the  
winter warmers in  
over 450 stores!

